

ಪೌಲನು ತೀತನಿಗೆ ಬರೆದ ಪತ್ರಿಕೆ ಪೌಲನೇ ತೀತನ ಲೀಖ್ಯೋತೆ ಚಿಟ್ಟಿ

ಮಾಲುಮ್ ಕರಾನು

ತೀತನ ಲೀಖ್ಯೋತೆ ಚಿಟ್ಟಿ ಪೌಲನೇ ಸಬೆನ ಮ್ವೇಲಿನ್ ಏಕ್ ಭಣೊ ಅದ್ವಿನ ಲೀಖ್ಯೋತೆ ಚಾರ್ ಚಿಟ್ಟೀಮ ಆ ಏಕ್ ಹುಯಿರೊಸ್. ಉಭೀತೆ ತೀನ್ ಚಿಟ್ಟಿ ಖಿವುಕತೊ 1 ತಿಮೊಥೆ 2 ತಿಮೊಥೆ ಅಜ್ಜು ಫಿಲೆಮೋನ ಆ ಚಿಟ್ಟಿಖ್ವಾರು ತೀತನ ಲಿಖ್ಯೆರೊಸ್. ಕತೋಬಿ ಆ ಚಿಟ್ಟಿಖ್ವಾರು ಅಖ್ವಾಸ್ನ ಖ್ವಾಮ್ಣೆ ಫಡಿವತಾಳ್ಳು ಕರಿ ಲೀಖಸ್. ಶನಕತೊ ಪೌಲ ಅಪೊಸ್ತಲ್ ಹುವಾನಖ್ವಾಜೆ ಯೋಗ್ಯಹುಯಿರೊವನು ಬೋಲಿ ವತಾಳಸ್. ಯೊ ಪಹಿಲಿ ಚಿಟ್ಟಿ ತೀತನ ಮಾಲುಮ್. ಯೇಸು ಕ್ರಿಸ್ತನ ಪೈದಾಖ್ವೊಡ್ಡು 63 ಅಜ್ಜು 65 ವರಖ್ವೊ ಬೀಚ್ಚ ಪೌಲನೇ ಆ ಚಿಟ್ಟಿ ಲಿಖಿರಾಕ್ಚ್ಚು ಪೌಲನೇ ತೀತನ ಕ್ರೇಟ್ ಟಾಪಾಮ ಧೂತೆ ಸಬೆನ ಭಾಖ್ವಿತ್ ಚಲಾವನಖ್ವಾಜೆ ಖ್ವೊಜ್ ದೀರಾಖ್ಯೊಸ್. ಪೌಲನೇ ಆ ಚಿಟ್ಟಿನ ಲೀಖಾನ ಕಾರಣ್ ಶಾತ್‌ಕತೊ ತೀತನೇ ಸಬೆನ ಫಲ್ದಾವ್‌ನ ಚೂಣಾನು ಶಿಕಾಡಿ ವತಾಳಿರಾಖ್ಯೊಸ್. ಅಮ್ ತಿಮೊಥೆನ ಲೀಖ್ಯೋತೆ ಚಿಟ್ಟಿಮಾಬಿ ಖ್ವೊಜ್ ದೀರಾಖ್ಯೊಸ್. ಅನ ಚಿಟ್ಟೀಮ ಸಬೇನು ಶಾಣು ಕಿಮ್ ಅಲ್ಪು ಗುಣ್‌ಧಿ ರ್ಡ್ವಿವ್ವುಕರಿ ಬೋಲಾಸ್. ಹಮ್ಕೇನು ಸಬೆ ಅಜ್ಜು ಸಬೇನು ಶಾಣುಖ್ವಾರು, ಶಾಣಾವ್ನ ಹೋಣುತೆ ಗುಣ್‌ಖ್ವಾರು ಖಿವು ಪರಕ್ಚು ರ್ಡ್ವಿವ್ವುಕರಿ ಹೊಷಾರ್‌ಧಿ ಖ್ವಿಯಾಲ್ ದೇವ್ಚ್ಚು

ಕಾಡಿದೇಖೊ

- 1 ಪೌಲನೇ ತೀತನ ಆತ್ಮೀಕ್‌ನ ಶಾಣವ್ನ ಚೂಣಾನಖ್ವಾಜೆ ಖ್ವೊಜ್ ದೇಸ್. 1:1-16
- 2 ಇನಪಾರ್ ಅದ್ವಿಖ್ವಾರು ದೇವ್‌ಮ ಜಿವ್ಚ್ಚು ಕರಾನು ಶಿಕಾಡ್ಚುಕರಿ ಖ್ವೊಜ್ ದೀರಾಖ್ಯೊಸ್. 2:1—3:11
- 3 ಕಡೇಶಿಮ ಪೌಲನೇ ಖ್ವೊರ್ತಿನ ದನ್ನಿ ಖ್ವೊಜ್‌ನ ಬೋಲೊಹುಯಿನ್, ಅಜ್ಜು ಧನ್ಯವಾದ್‌ಧಿ ಖಿತಮ್‌ಕರಸ್. 3:12-15

ಪಾಲನೆ ತೀತನ ಲೀಖ್ಯೋತೆ ಚಿಟ್ಟಿ

1 ದೇವಾನೊ ಸೇವಕ್‌ಬಿ ಅಜ್ಜು ಯೇಸು ಕ್ರಿಸ್ತನೊ ಅಪೊಸ್ತಲ ಹುಯಿರ್ದೊತೆ ಪಾಲನೆ ಲೀಖ್ಯೋತೆ. ದೇವ್ನ್ ಚೂಣ್ಯೋತೆ ಅದ್ಡಿ ಖ್ಹಾರಾನಿ ಖ್ಹಾಚಾಮ ಚಲಾವನಟೇಕೆ ವಿಶ್ವಾಸ್‌ನ ಭಡಾವಾನಖ್ಹಾಜೆ ಅಜ್ಜು ಯೊ ಇವ್ಣುನ ಭಕ್ತಿನಿ ಜಿವ್ಣಮ ಚಲಾವಸ್.

2 ಆಹ್ಯೆರುತೆ ಖ್ಹಾಚ ಭಿಂದ್‌ಗೀನ ಭರೋಖ್ಹಾಪರ್ ಆಧಾರ್ ಹುಯಿರ್ದೊಸ್. ದೇವ್ ಕೆದೇಬಿ ಝೂಟಿ ಬೋಲಾಕೊಯ್ಚಿ ಯೋ ಜಿವ್ಣಾನಿ ಬಾರೇಮ ಅಪ್ಪುನ ದಿಶೆ ಕರಿ ಹಗಾಮ್ ಪಹಿಲೆಥೂಸ್ ವಾಗ್ಡಾನ್ ಕರಿರಾಖ್ಯೋಸ್.

3 ಅಜ್ಜು ಬರಾಬರ್‌ನಿ ವಖ್ತಮ್, ದೇವ್ನ್ ಇನಿ ಉಪದೇಶ್‌ನ ಪ್ರಕಟಕರ್ದೊ ಅಜ್ಜು ಯೊ ಮನ ದೆವೈರ್ದೊಡ್ಲ. ಅಜ್ಜು ರಕ್ಷಣೆ ದ್ಯವಾನಿ ದೇವ್ನ್ ಹುಕುಮ್‌ನಿಮತ್ ಮೇ ಬೋಲಿರಾಖ್ಯೋಸ್.

4 ವಿಶ್ವಾಸ್‌ಮ ಮಾರ ಖ್ಹಾಚ ಛಿಯ್ಯಾನಿಮತ್ ಛಾತೆ ತೀತನ ಮೇ ಆ ಲೀಖುಕರುಸ್ತೆ. ಅಪ್ಲೊ ಬಾ ಹುಯಿರ್ದೊತೆ ದೇವ್‌ಥಿ ಅಜ್ಜು ಅಪ್ಲೊ ರಕ್ಷಕ್ ಹುಯಿರ್ದೊತೆ ಕ್ರಿಸ್ತ ಯೇಸುಥಿ ತುನ ವಾರ್‌ಖೊ ಅಜ್ಜು ಶಾಂತಿ ಮಳಾದೆ.

ಕ್ರೇಟ್‌ಮ ತೀತನು ಕಾಮ್

5 ತೂ ಕ್ರೇಟ್‌ಮ ಬಿಜ್ಜೂಬಿ ಬರಾಬರ್ ಹುಯುಕೊಂತೆ ಕಾಮ್ ಖ್ಹಾರು ಬರಾಬರ್ ಕರಾನಖ್ಹಾಜೆಬಿ, ಅಜ್ಜು ಹರೇಕ್ ಖ್ಹಿಯೇರಮ ಸಬೇನು ಶಾಣಾವ್ ನೇಮಕ್ ಕರ್ನುಕರಿ ಮೇ ತುನ ಹಿಜ್ಜಾಸ್ ಹುಕುಮ್ ದೀನ್ ಮ್ಹೆಂದಿನ್ ಆಯೊ.

6 ಸಬೇನೊ ಮೋಟೊ ರ್ವಾಳೊ ನಿರ್ದೋಷಿ ಹುಯಿರ್ದೊಣು, ಇನ ಎಕ್ಸ್‌ ಬಾವಣ್ ರ್ವೇವ್ಣು ಇನ ಲಡ್ಡಾ ವಿಶ್ವಾಸಿ ಹುಯಿರ್ದೊಣು, ಅಜ್ಜು ಇವ್ಣೆ ಖರಾಬ್ ರ್ವೊವೊ, ಲಗಾತಿರ್ದೊವೊ ನಾ ಹುಯಿರ್ದೊಣು.

7 ಶನಕತೊ ಸಬೇನೊ ಗಲ್‌ಡೊ ದೇವ್‌ಕಾಮ್‌ನು ಇಶಾಬ್‌ದ್ಯವಾಳೊ ಹುಯಿರ್ದೊಣ್ಣೆ ಇನಖ್ಹಾಜೆ, ಯೋ ಗಲ್ಟಿಕೊಂತೆ ಅದ್ಡಿ ಹುಯಿರ್ದೊಣು, ಛೇಡಾವವಾಳೋಬಿ, ವಗ್ಗಿಸ್‌ಮ ಖೋಚ್ ಕರವಾಳೊ ರ್ವೊವೊ,

ಪಿಯವಾಳೊರ್ದವೊ, ಪೈಶಾನಿ ಲಾಲಚ್‌ರ್ದವಾಳೊ, ಲಡಂತು ರ್ದವೊ ನಾ ಹುಯಿರ್ದೆಣು.

8 ಯೋ ಘರ್‌ಮ ವಿಶ್ವಾಸ್‌ವಾಳನ ಬುಲೈನ್ ಸ್ವಾಗತ್ ಕರವಾಳೊ ಹುಯಿರ್ದೆಣು, ಅಲ್ಟಾನಪ್ಯಾರ್ ಕರವಾಳೊಬಿ, ಅಕ್ಲಿಬಿ, ನೀತಿಧಿರ್ದವಾಳೊಬಿ, ಪರಿಶುದ್ ಹುಯಿರ್ದೆಣು.

9 ಯೊ ಇನಿ ಭರೋಖ್ವಾನಿ ಸಂದೇಶ್ ಘಟ್ ಧರಿಲ್ಯವಾಳೊ ಹುಯಿರ್ದೆಣು, ಅನಿ ಬಾರೇಮ ಇನ ಬೋಲೈರ್ದಸ್. ಇನಖ್ವಾಜೇಡಿ ಯೊ ಅದ್ಮಿ ಖ್ವಾಜಿ ಬೋಲಿದೇತೊಹುಯಿನ್ ಭಾಲಿ ದ್ಯವಾಳೊ ಹುಯಿರ್ದೆಣು. ಹಮೆ ಬೋಲೇತೆ ಖ್ವಾಜಾನ ವಿಶ್ವಾಸ್‌ಧಿ ಪಾಲನ್ ಕರ್ದ್. ಯೊ ಖ್ವಾಜಾಧಿಬಿ ಲ್ಹಾಯೇಕ್‌ನಿ ಉಪದೇಶ್‌ಧಿ ಯೊ ಅದ್ಮಿನ ಮದತ್ ಕರಾವಾಳೊ ಹುಯಿರ್ದೆಣು.

10 ಕೈಯೆಕ್ಲಿ ಜುಣು ಖಾಲಿವಾತೆವಾಳು, ಠಗಾವವಾಳು ಅಜು ಗಲಾಟ್ ನಾಖವಾಳು ಹುಯಿರ್ದೆಣು. ಅಮ್ ವಿಶ್ವಾಸ್ ಕರಾವಾಳಾಮ ಘಣು ಅದ್ಮಿಯೆಹೂದ್ಯರ್‌ವಾಳು ಹುಯಿರ್ದೆಣು.

11 ಇವ್ಣ ಫಾಯಿದಾನಖ್ವಾಜೆ ಬೋಲ್ನುನಾತೆ ವಚನ್ನ ಬೋಲಿದೀನ್, ಹಿಡಿ ಕುಟುಂಬ್‌ನಾಸ್ ನಾಶ್ ಕರುಕರಸ್. ಅನಖ್ವಾಜೆಸ್ ಇವ್ಣ ಮ್ಹೋಡು ಮೂಚಿರ್ದೆಣು.

12 ಅಜು “ಕ್ರೇಟ್ ಟಾಪವಾಳಮನೊ ಏಕ್ ಪ್ರವಾದಿ ಹಮೇಶ ಝೂಟಿ ಬೋಲವಾಳೊ, ಜಾನ್ವರ್‌ನಿತರಾನೊ, ಅಜು ಶೋಂಬೇರಿ ಹುಯಿರ್ದೆಣು” ಕರಿ ಕ್ರೇಟ್‌ವಾಳೊಸ್ ಏಕ್ ಪ್ರವಾದೀನೆ ಬೋಲಿರಾಖ್ವೊಸ್‌ನಿ.

13 ಪ್ರವಾದಿನೆ ಬೋಲ್ಯೊತೆ ಸಾಕ್ಷಿ ಖ್ವಾಜಿಸ್ ಹುಯಿರ್ದೆಣು. ತೂ ಇವ್ಣನ ಬರಾಬರ್‌ಧಿ ಗುರ್‌ಕಾವ್ಣು ಅನೇಧಿ ಇವ್ಣೆ ಅಲ್ಫಿ ವಿಶ್ವಾಸ್‌ಮ ರ್ದೆಣೆ.

14 ಅಜು ಯೆಹೂದ್ಯರ್‌ನ ಕೊಂತೆಖೇಣೀಧಿ, ಅಜು ಖ್ವಾಜಿನ ಮಾನಿಲೆಯೆಕೊಂತೆ ಅದ್ಮಿ ಖ್ವಾರಾನಿ ಹುಕುಮ್ ಭಣಿ ಧ್ಯಾನ್ ನಕೊ ದೀಶ್.

15 ಶುದ್ಧ ರ್ಲೀಸ್ತೆ ಅದ್ಮಿನ ಖ್ವಾರೂಸ್ ಶುದ್ಧಸ್ ಹುಯಿರ್ರೂಸ್. ಕತೋಬಿ ಖರಾಬ್ ಅಜ್ಜು ವಿಶ್ವಾಸ್ಕೊಂತೆ ಅದ್ಮಿಯೇವ್ವ ಕೆಹೂಬಿ ಮೈಲುಕಾಹೆ. ಶನಕತೊ ಇವ್ವಿ ಖ್ವಿಯಾಲ್ ಅಜ್ಜು ಮನ್ನಿಸಾಕ್ಷಿ ಭೇಬಿ ಅಪವಿತ್ರ ಹುಯಿರ್ರೂಸ್.

16 ಇವ್ವೆ ದೇವ್ವಿ ಬಾರೇಮ ಪರ್ಖಿರಾಖ್ಯಸ್ ಕರಿ ಬೋಲಿಲೆಸ್. ಕತೋಬಿ ಇವ್ವೆ ಹುಕುಮ್ಮ ನಾಮಾನವಾಳು ಹುಯಿನ್ ಗಂಧು ಕಾಮ್ ಕರಾವಾಳು, ದೇವ್ವ ಅಜ್ಜು ಖಿವು ಅಲ್ಫುಕಾಮ್ ಕರಾನಬಿ ಲ್ವಾಯಕ್ ಕೊಯ್ವಿ.

2

ಖ್ವಾಚಿ ಉಪದೇಶ್‌ನಿ ಬಾರೇಮ

1 ಕತೋಬಿ ತೂ ಇನಾಸ್ ಶಿಕಾಡ್ ಖ್ವಾಚಿ ಉಪದೇಶ್‌ನ ಕಿಮ್ ಛಾಕಿ ಇಮ್ಸ್ ಬೋಲಿದೆ.

2 ಬುಡಾಖ್ವಾರು ಪಿಯಾವಾಳು ನಾ ರ್ಲೀವ್ವುತೇಬಿ, ಮರ್ಯಾದಿಧಿ ರ್ಲಹವಾಳೂಬಿ, ಇವ್ವು ಇವ್ವೆಸ್ ದಾಬುಕ್ಮ ರ್ಲವಾಳುಬಿ ಹುಯಿರ್ರ್ಲೀಣು, ಪ್ಯಾರ್, ಖ್ವಮಾಳಿಲ್ಯವಾನು, ಅಜ್ಜು ವಿಶ್ವಾಸ್‌ಮ ರ್ಲವಾಳು ಹುಯಿರ್ರ್ಲೀಣು ಕರಿ ಶಿಕಾಡ್.

3 ಇಮ್ಸ್ ಬುಡಿಯಖ್ವಾರು ಛಾಡಿ ಬೋಲವಾಳಿಯೆ ನಾ ಹುಯಿರ್ರ್ಲೀಣು, ಅಜ್ಜು ಪಿಯಾವಾಳಿಯೆ ನಾ ಹುಯಿರ್ರ್ಲೀಣುತೆ ದೇವ್‌ಮ ಭಕ್ತೆಹುಯಿನ್ ಜಿಮ್‌ದಾರಿವಾಳಿ ಹುಯಿರ್ರ್ಲೀಣು.

4 ಇಮ್ಸ್ ಬುಡಿಯಬಾಯ್ ವ್ಲೆತ್ತಿ ಬಾಯ್ಕಾವ್‌ನ, ಇವ್ವೆ “ಇವ್ವು ಇವ್ವು ಬಾವಿನ ಅಜ್ಜು ಲಡ್ಡಾವ್ವ ಪ್ಯಾರ್‌ಕರಾದೆಕರಿ ಅಕ್ಮಲ್ ಬೋಲಿದ್ಯವಾದೆ.

5 ಇವ್ವೆ ಶೊಂತ್ ಘರ್ನಖ್ವಾಜೆ ಅಲ್ಫುಕಾಮ್ ಕರಾವಾಳಿಯೇಬಿ, ಗ್ರಿಸ್ತಿಧಿ, ಇವ್ವು ಇವ್ವು ಬಾವಿನ ದಾಬುಕ್ಮ ರ್ಲೀನ್ ಜಿವ್ವುಕರಾನ ಬುಡಿಯ ಬಾಯ್ಕಿಧಿ ಶಿಕಿಲ್ಯವಾದೆ. ಇಮ್ಸ್ ದೇವ್ವಿ ವಚನ್ನ ಕೋಣೆಬಿ ಚಿಂಘಾವ್ವಿ ನಾ ಕಾಡ್ವುತೆ ತಿಮ್ ಚಾಲಿಲ್ಯವಾದೆ.

6 ಇಮ್ಮಸ್ ಜಾನ್ಲಮಾನ್ ಛೋಕ್ರಾವ್‌ನ ಇವ್ಣು ಇವ್ಣೆ ಕಿಮ್ ದಾಬುಕ್ಕ್ ರ್ಣ್ಣಿವ್ಣುಕರಿ ಬೋಲಿಒತಾಳ್,

7 ತುಮಾರ ಭೋದನ್ ಕಾಮ್ ಖ್ವಾರಾಮ, ತೂ ಕಿಮ್ ರ್ಣ್ಣಿಸ್ಕಿ ತಿಮ್ ಬಿಜೇಕ್ ಭಣಾನ ಬರಾಬರ್‌ಥಿ ವತಾಳಿಲೆ. ತೂ ಶಿಕಾನ ಹಗಾಮ್ ಇಮಾನ್‌ದಾರ್ ಅಜು ಗ್ರಿಸ್ತಿದಿ ರ್ಣ್ಣಿ.

8 ಶಿಕಾಡನಿ ವಖ್ಣೆತೆ ಅಲ್ಪಿವಾತೆ ಶಾತ್ತ್ಯಿ ಯೋಸ್ ಬೋಲಿದೆ. ಅಮ್ ರ್ಣ್ಣವಾನಿವಖ್ಣೆತೆ ತಾರಪರ್ ವಿರೋದ್ ರ್ಣ್ಣವಾಳನ, ತಾರಿ ವಿರುದ್ಧವಾತೆಬೋಲಾನ ಶಾತ್‌ಬಿಕೊಂತೆ ಇವ್ಣು ಇವ್ಣೆಸ್ ಖ್ವಾರಾಮಾವನಿಘೋಣಿ ಹುಯಿಜಾಶೆ.

9 ಗುಲಾಮ್ ಖ್ವಾರು ಇವ್ಣೆ ಇವ್ಣೊ ಯಜಮಾನ್ನಿ ವಾತೇನ ಖ್ವಮ್‌ಜಿನ್ ಚಾಲ್ನು ಅಜು ಖ್ವಾರಾಸ್ ಕಾಮ್ ಇವ್ಣೆ ಖ್ವಾಜಾನಿಘೋಣಿ ಕೋಶಿಶ್ ಕರನ್ನ್‌ರ್ಣ್ಣಿಣು.

10 ಇವ್ಣ ಯಜಮಾನ್ನ ಫರೈವಾತೆ ನಾಬೋಲ್ನುತೆ, ಶಾತ್ತ್ಯಿ ಚೋರಿ ನಾ ಕರ್ನುತೆ, ಇವ್ಣೆ ಅಲ್ಪಿ ವಿಶ್ವಾಸ್ಕರಿ ವತಾಳ್ಣು ಅನೇಥಿ ಅಪ್ಪೊ ರಕ್ಷಕ್ ಹುಯಿರ್ಣ್ಣಿಣೆ ದೇವ್ನಿ ಬೋಧನೆನ ಅಖ್ವೀಸ್ ಪರಕ್ಕ್ ಗೌರವ್ ಮಳಾನಿಘೋಣಿ ಚಾಲಿಲೇವ್ಣು ಕರಿ ಇವ್ಣುನ ಬೋಲ್.

11 ದೇವ್ನೆ ತಮಾಮ್ ಅದ್ಮಿನ ರಕ್ಷಣೆ ದ್ಯವಾನಿ ಇನಿ ವಾರ್‌ಖ್ವಾನ ದೆಖಾಡಿರಾಖ್ವೋಸ್.

12 ಅಜು ಅಪ್ಪು ಭಕ್ತಿಕೊಂತೆ ಜಿವ್ಣನ ಅಜು ಜಗತ್ತ್ಯಿ ಹರಖ್ಣನ್ ಮ್ಹೇಲಿದೇಣು, ಅಜು ಅಮ್ಮು ಜಿವ್ಣು ಕರ್ನುಕಿ ಅನೇಥಿ ಖ್ವಾಚಿ ಭಕ್ತಿಧಿ ರ್ಣ್ಣವಾನು ಅಜು ಇನುಯೋ ದಾಬುಕ್‌ಥಿ ರ್ಣ್ಣವಾನ ಪರಕ್‌ಥಿ ಆ ಜಗತ್‌ಮ ಬಚಿರ್ಣ್ಣಿಣು.

13 ಕತೊ ಕಿಮ್ ಭರೋಖ್ಣೊ ಕರಿನ್ ಜಪುಕರ್ಣೆತೆ ಖ್ವುಶಿನೊ ದನ್ನಖ್ವಾಜೆ, ಅಪ್ಪೆ ಅಮ್ಮುಸ್ ಜಿವ್ಣು ತದೆ ಯೋ ದನ್ಮ ಅಪ್ಪೊ ಮಹಾನ್ ದೇವ್ ಅಜು ರಕ್ಷಕ್ ಹುಯಿರ್ಣ್ಣಿಣೆ ಯೇಸುಕ್ರಿಸ್ತನಿ ಮಹಿಮೆ ದೆಖಾವ್‌ಶೆ.

14 ಯೊ ಅಪ್ಪಖ್ವಾಜೆ ಇನುಯೋ ದೆವೈಗಯೊ. ಇನಖ್ವಾಜೆ ಯೊ

ಅಪ್ಪುನ ಅಖ್ವೀಥರಾನು ಖರಾಬ್ ಚಾಲ್‌ಥಿ ಛೋಡಾವನ ಟೀಕೆ, ಅಜ್ಜು ಅಪ್ಪುನ ಶುದ್ಧ ಅದ್ಮಿ ಕರಾನಖ್ವಾಜೆ ಯೊ ಶೊಂತ್‌ವಾಳೊ ಹುಯಿರ್ದೋಸ್ ಅಜ್ಜು ಅಲ್ಫಾನ್ ಕರಾನ ದಿಲ್‌ಲಾಗವಾಳೊ ಹುಯಿರ್ದೋಸ್.

15 ಆ ಖ್ವಾರಿ ವಾತೆ ಶಿಕಾಡ್. ತಾರಿ ಅಖ್ವೀಸ್ ಅದಿಕಾರ್‌ಥಿ ಇವ್ವುನ ಭಾಲಿಬೋಲ್ ಅಜ್ಜು ಗುರ್‌ಕಾವ್ ಶನಕತೊ ಕೋಣ್‌ಬಿ ತುನ ತಿರಸ್ಕಾರ್ ನಾ ಕರ್ನುತೆ ಇಮ್ ದೇಖಿಲೆ.

3

ಕ್ರಿಸ್ತವಾಳು ಚಾಲಿಲೇವ್ವುತೆ ತರೀಕ

1 ಖಾನೂಲ್ ಚಲಾವವಾಳಾನಿ ಅಜ್ಜು ಅದಿಕಾರಿ ಖ್ವಾರಾನಿ ವಾತೇನ ಖ್ವಮಜ್‌ಞು ಕರಿ ಅಜ್ಜು ಖ್ವಾರೂಸ್ ಅಲ್ಫುಕಾಮ್ ಕರಾನ ತೈಯಾರ್ ರ್ದೋಣು ಕರಿ ತಾರ ಅದ್ಮಿ ಖ್ವಾರಾನ ಯಾದ್ ದೆವಾಡ್.

2 ಇವ್ವುನ ಬೋಲ್, ಇವ್ವೆ ಕಿನಿ ಬಾರೇಮಾಬಿ ದೂಷಣೆ ನಾ ಬೋಲ್‌ನು, ಕತೋಬಿ ಕಿನ ಜೋಡೇಬಿ ಸಮಾಧಾನ್‌ಥಿ, ದೋಸ್ತಿಥಿ ಅಜ್ಜು ತಮಾಮ್‌ನ ಜೋಡೆ ಶೇದೇವ್‌ನಿ ಮತ್‌ರ್ದೋಣು.

3 ಶನಕತೊ ಏಕ್ ಹಗಾಮ್‌ಥು ತದೆ ಅಪ್ಪೇಬಿ ಅಗಾಡಿ ಖ್ವಿಯಾಲ್‌ಭರ್ತ್ಯಾ ಹುಯಿರ್ದಾಥ, ಹುಕುಮ್‌ನ ತೋಡಾವಾಳೆ ಹುಯಿರ್ದಾಥ ಅಜ್ಜು ಘುಂಜ್‌ಳಾವ್ವಿಮ ಥಾ. ಖ್ವಾರಿಸ್ ತರ್ತ್ಯಾನಿ ಲಾಲಚ್‌ಬಿ ಅಜ್ಜು ಭೋಗ್‌ನ ಗುಲಾಮ್ ಥಾ. ಅಪ್ಪ ಖರಾಬ್ ಖ್ವಿಯಾಲ್ ಅಜ್ಜು ಗಲ್ತಿಕರಾಸ್ತ ಅದ್ಮಿ ಖ್ವಾರು ಅಪ್ಪುನ ದಾವೊ ಕರ್ತುಡು. ಅಪ್ಪೇಬಿ ಏಕ್‌ಥಿಏಕ್ ದಾವೊ ಕರ್ತ್ಯಾ.

4 ಕತೋಬಿ ಅಪ್ಪೊ ರಕ್ಷಕ್ ಹುಯಿರ್ದೋತೆ ದೇವ್ನಿ ಗೋರ್ ಅಜ್ಜು ಪ್ಯಾರ್ ದೆಖ್ತಿದೆ.

5 ಇನೆ ಅಪ್ಪುನ ಬಚಾಡ್ಯೊತೆ, ಅಪ್ಪೆ ಕರ್ತ್ಯಾತೆ ಅಲ್ಫು ಕಾಮ್‌ಥಿ ಕಾಹೆ ಪಣ್ಣಿ ಇನಿ ಗೋರ್‌ಥೀಸ್. ಅಜ್ಜು ಪವಿತ್ರಾತ್ಮಾಥಿ ನವಿ ಜಿಂಧ್‌ಗಿ ದಿದೊ. ಅಜ್ಜು ಇನೆ ಅಪ್ಪುನ ಧೊಯಿನ್ ನವೊ ಜಾನ್ವದಿದೊ.

6 ದೇವ್ನೆ ಅಪ್ಲೊ ರಕ್ಷಕ್ ಯೇಸು ಕ್ರಿಸ್ತಧಿ ಪವಿತ್ರಾತ್ಮನ ಅಪ್ಪಪರ್ ಭರ್ಪೂರ್ ರಂಚ್ಚೊ.

7 ಅನಖ್ಲಾಜೆ ದೇವ್ನೆ ಅಪ್ಪುನ ಇನಿ ವಾರ್ಖ್ಲೀಧಿ ಇಮಾನ್‌ದಾರ್ ಬಣ್ಣೆರಾಖ್ಯೊಸ್. ಅನೇಧಿ ಅಪ್ಲೆ ಭರೋಖ್ಲೊ ಕರಿರಾಖ್ಯಾತೆ ಯೊ ಹಮೇಶಾನಿ ಜಿಂದ್‌ಗಿ ಮಳಾದೆ ಕರಿ ಆ ಖ್ಲಾಜಿವಾತೆ ಬೋಲ್ಪೆರ್ದೀಸ್.

8 ಮೇ ಹರ್‌ಖ್ಲಾಜಿ ತು ಆ ವಾತೆನಪರ್ ಜಾಖ್ಲತ್ ಧ್ಯಾನ್ ರಾಕ್ಪು ಅನೇಧಿ ದೇವ್‌ಮ ವಿಶ್ವಾಸ್ ಕರಾಸ್ಕಿ ಇವ್ಲೆ ಅಲ್ಪು ಕಾಮ್ ಕರಾಮ ಯೊ ವಾತೆ ಹರೇಕನ್ ಅಲ್ಪು ಅಜು ಫಾಯಿದಾನು ಹುಯಿರ್ದೊಸ್.

9 ಖಾನ್‌ದಾನ್ನಿ ಬಾರೇಮ ವಿವಾದ್ ಕರಾನು ಶಾತ್ ಲ್ಲಾ. ಮೋಶೇನ ನಿಯಮ್‌ನಿ ಬಾರೇಮ ಲಡೈ ಅಬ್ಬಾಜ್‌ಬ್ಬಿನಿ ವಾತೆ ಅಜು ಮೂರ್ಖ್ ಬುದ್ಧೀನಿ ಬಾರೇಮ ದೂರ್ ರ್ದೀ. ಶನಕತೊ ಅನೇಧಿ ಶನು ಫಾಯಿದೊಕೊಯ್ನಿ ಯೋ ಜ್ಲೂಟು ಹುಯಿರ್ದೊಸ್.

10 ಖಿವು ಏಕ್‌ಜಣೊ ಸಬೇನು ಅದ್ಮಿಮ ಭೇ ಭಾಗ್ ಕರನ್ ಕರಿ ದೇಖಾಸ್ಕಿ ಇನ ಏಕ್‌ಹಲ್ಲ ನತರ್ ಬೇಹಲ್ಲ ರ್ಪೀತಾವ್, ಖ್ಲಮ್‌ಜೊನಾತೊ ಇನೇಧಿ ದೂರ್ ರ್ದೀ.

11 ಇಮ್ಮು ಅದ್ಮಿಖ್ಲಾರು ವಾಟ್ ಲ್ಲುಕಿಜಾವಳು ಹುಯಿರ್ದೊಸ್ ಅಜು ಇವ್ಲು ಪಾಪಸ್ ಇವ್ಲುನ ಗಲತ್ ವತಾಳಸ್.

ಖ್ಲಿರ್ತಿನಿ ವಾತೆ

12 ಠಣ್ಣಾ ದನ್ಮ ಮೇ ನಿಕೋಪೊಲಿಮ ಠಣ್ಣಾ ಹಗಾಮ್ನು ಕಾಡ್ಕುಕರಿ ಖ್ಲೂಜ್‌ಕರಿ ರಾಖ್ಯೊತೆ ಇನಖ್ಲಾಜೆ, ಅರ್ತಮನ್ನ ರ್ಲವೊ ತುಖಿಕನ ರ್ಲವೊ ತಾರಕನ ಮೋಕಲ್‌ತಾಸ್ ತೂ ಮಾರಕನ ಆವಾನ ದೇಕ್‌ಜೊ.

13 ವಕಿಲ್ ಹುಯಿರ್ದೊತೆ ಜೆನಸ್ ಅಜು ಅಪೊಲ್ಟೋಸನ ಜತನ್‌ಧಿ ಮೋಕಲ್. ಇವ್ಲುನ ಶಾಕ್ತಿ ಕಮ್ ನಾಹೊಣುತೆ ಇಮ್ ದೇಖಿಲೆ.

14 ಅಪ್ಪು ಅದ್ಮಿಖ್ಲಾರು ಚುಪ್‌ಕೆಸ್ ನಾರ್ಲೆವ್ಣತೆ, ಅಲ್ಪು ಕಾಮ್ ಕರಾನ ಶಿಕಿನ್, ಇವ್ಲ ಜ್ಲರೂರತ್‌ನ ಪರ್ಖಿನ್ ದ್ಯವವಾಳು ಹುಯಿರ್ದಾವದೆ.

15 ಹಜ್ಜಾ ಮಾರ ಜೋಡ್ ರ್ವವಾಳು ಖಾರೂಸ್ ತುನ ತೋಬ ಕರುಕರಸ್. ಕ್ರಿಸ್ತಮ ವಿಶ್ವಾಸ್ ಮ್ವೇಲಿರಾಖ್ಯಾತೆ ಹಮೂನ ಪ್ಯಾರ್ ಕರಾವಾಳ ಖಾರಾನ, ಹಮೆ ತೋಬಕರಿ ಬೋಲ್ಯ ಕರಿ ಬೋಲ್. ದೇವ್ನಿ ಕೃಪೆ ತುಮಾರ ಖಾರಾನ ಜೋಡೆ ರ್ವವಾದೆ.

ದೇವ್ವಿ ಖ್ವಾಚಿ ವಚನ್
The New Testament in the Vaagri Booli language of
India: ದೇವ್ವಿ ಖ್ವಾಚಿ ವಚನ್ (Bible)

copyright © 2023 The Word for the World International

Language: (Vaagri Booli)

Contributor: The Word for the World International

ದೇವ್ವಿ ಖ್ವಾಚಿ ವಚನ್
ವಿ ಒಪ್ಪಂದಾನ, 2023

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06